

Guangjisi Minzcu Bau

ganhhau: CN45-0036 B.2015 Nd.4 Ng.8 liggaeuq ietfeih nienz ndwengeih ngeihcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3168期

Nanzdanh: Youq Lajmbanj Cuengq Denyingj Vah Saujsu Minzcu Vunzlai Maij Yawj

南丹:少数民族语电影下乡受欢迎

Duenh gonq, Nanzdanh Yen Denyingj Fathengz Cuengqingj Cungsim roengz mbanj bae cuengq denyingj vah saujsu minzcu, vunzlai gig maij yawj. Dangdieg vunz saujsu minzcu ndaej yawj doenghij denyingj gojgaeq, gohyoz gyauyuz, geiqloeg

daengj aeu vah dangdieg boiqyae de, ndawsim gamjsouh daengz minzcu doxlumj, demgiengz saenqsim, mizyauq dwk swncienz vah saw saujsu minzcu. Doenggvaq cuengq denyingj vah minzcu, doiq aen yienh neix ndawbiengz onjdingh, gyamaenh minz-

cuz doxgiet, cienz gohgi cihsiz gig miz yungh. Daengz 3 nyied ndawcib, aen yienh neix gaeng cuengq denyingj Vahyauzczu, Vahcuengh 50 ciengz-baez, bouxyawj fanh lai boux.

(Liuz Sizcinh/刘时春 Moz Gijcauh/莫启超)



Lungzcouh Yen Gawjbanh Hozdung Gvaq Ciet Vwnzva Ndawbiengz "Sam Nyied Sam"

龙州县启动“三月三”民俗文化节活动

4 nyied 3 hau, aen yizsi Lungzcouh Yen haidaez guh hozdung gvaq ciet vwnzva ndawbiengz "sam nyied sam" youq ndaw yienh Ginhlungz Cin Banjiciz Cunh gawjhengz. Baez hozdung neix aeu "bajjok vwnzva ndawbiengz Lungzcouh, dingq yawj denhginz geizheih, doxbeij eu fwen Bouxcuengh" guh cawjdae. Gyoengq baengzyou nem lauxhangz vahgangj daj Daigoz daej de, ndaw guek doenghboux daj guekgya gaep sinhvwnz danhvei daej de camgya le baez hozdung neix. Ndaw doz dwg song dah sau ndaw cunh neix cingq yienj denhginz.

(Cinz Youjcaiz/陈有才 inj)

Yungjufuz: Roengz 1760 Fanh Maenz Hawj Vunz Yauzczu Gvaq Ndae Ndei

永福:投入1760万元解决瑶胞民生难题

Geij ngoenz gonq, Yungjufuz Yen gietdingh roengz 1760 fanh maenz, doiq ndaw yienh Gvangjufuz Yang Mbanjsasizsanh, Baujliz Yang Mbanjyangzgez daengj 4 aen mbanj Yauzczu guh hong doenggvaq "daengx mbanj fuzbinz" senj dieg youq. Doenghboux senj ranz de cingq bienq baenz boux

yenzgungh ndaw daegsaek minzsu funghcingzyenz, hawj gyoengqde mbat ndeu gaijndei swnghhoz.

Daj bineix hwnj, Yungjufuz Yenveij, Cwngfuj comz 1760 fanh maenz, doiq 4 aen mbanj 281 boux Yauzczu guh daengx mbanj senj dieg. Ciuq cam rox, hangh hong neix guj

daengz bineix 6 nyied guh ndei hong bwh, 2016 nienzdae guh baenz ranzmoq nem doeng raemxgwn, dienh, roen daengj gihcuj sezsih ndaw mbanj moq, ceng daengz 2017 nienz ndwencieng ndaej senj haeuj mbanj moq bae youq.

(Ya Fungzbih/夏冯斌)

SIUSIK DINJ

简讯

● Vih angq gvaq ciet "sam nyied sam Bouxcuengh", 3 nyied 31 hau banhaet, Hozciz Si Ginhcwngzgyangh Gih hai aen hoih hainduj guh hong angqhoh ciet "sam nyied sam Bouxcuengh", ndaw gih miz 100 lai boux lingjdauj mizgven daej camgya.

(Moz Yaujcinj)

● 3 nyied 31 hau, Cungzcoj Si youq Namzningz hai sinhvwnz fazbuvei gyen-daengz 2015 nienz "sam nyied sam baiq goengcoj Bouxcuengh baebo yawj vahreux" hozdung, gak gaep meizdij daej daej camgya caemhcaiq baudauj.

(Lungz Yenyinh)

● 3 nyied 27 daengz 4 nyied 1 hau, 2015 nienz Gveilinz Gvanyanz Cenhyahdung Yauzczu vwnzva lijyouzcez nem "ngeih nyied bet" nungzgi vwnzvaez, youq Gvanyanz yienhsingz gawjhengz. Ngoenzde, ndaw yienhsingz vunzlai cungj angqvauvau, haujlai vwnzva hawj gyoengq hekyouz yawj ndaej gvaqyinx raixcaix.

(Banz Sinhij Liuz Yenz)

● Youq duenh dok dangzoi 2014-2015 nienz, Liujcwngz Yen dajndaem oijdangz daihgaiq 50 fanh moux, cungj canj 200 fanh dun. Dangqna, aen yienh neix gya ndaem oij 29410 lai moux.

(Dwng Gwzyiz)

● Daj 3 nyied daej, Ningzmingz Yen gung cujicz 28 aen nungzgi fuzvudui, 198 boux nungzgi gisuzyenz daengz gak yangh(cin) cunh mbanj son'gyauq baenzlawz yungh nungzgi, 5500 lai gyaq nungzgi youq gyangdoengh guh hong ndaemcin, neix vih bineix nungzyez ndaej fungsou laeb ndei giekdaj.

(Cauh Yizgangh Vangz Haunwngz)